

Mahasiswa dan pelajar fahami hak sebagai pengguna

UB 7.5.2014 84

Oleh JOHAN AZIZ

KOLEJ Kediaman Cemerlang Dinamik (CD) Universiti Malaysia Sabah (UMS) di bawah pimpinan Pengetua Kolej Dr Mohamad Nizam Nazarudin berjaya menganjurkan program kepenggunaan berbentuk keilmuan di Kota Kinabalu baru-baru ini.

Program itu diadakan dengan kerjasama Kementerian Perdagangan Dalam Negeri, Koperasi dan Kepenggunaan (KPDNKK) melalui program Ceramah Kepenggunaan yang julung kali diadakan di kolej itu.

Program ilmu berbentuk ceramah itu mengumpulkan kira-kira 110 peserta yang terdiri daripada mahasiswa UMS dan pelajar-pelajar sekolah menengah di beberapa buah sekolah sekitar

Kota Kinabalu terdiri SMK Majakir, SMK Taman Tun Fuad, SMK Benoni dan SMK Sazac.

Penganjuran program itu bertujuan memberi pendedahan kepada masyarakat khususnya mahasiswa UMS dan sekolah menengah tentang hak-hak sebagai pengguna dan cara tuntutan yang boleh dilakukan apabila berlaku kes penipuan oleh peniaga.

Ceramah disampaikan oleh penceramah jemputan bertepatan dengan inisiatif tribunal pengguna bagi mendidik anggota masyarakat mengenai Tribunal Tuntutan Pengguna.

Program ceramah yang berlangsung selama tiga jam itu dibahagikan kepada dua slot dan slot pertama disampaikan oleh Jahida Usok yang menyampaikan ceramah berkaitan Tribunal Pengguna.

Penceramah jemputan dari KPDNKK mengupas isu tribunal pengguna dengan baik dan dapat menjelaskan secara terperinci mengenai peraturan dan hak pengguna untuk memfailkan tuntutan terhadap gantirugi bagi kerugian yang ditanggung oleh pengguna.

Manakala slot kedua disampaikan oleh Penolong Pengarah KPDNKK Kasim Anak Mana yang

menyampaikan ceramah berhubung isu penipuan terhadap pengguna khususnya dalam kalangan remaja yang sering menggunakan sistem online dalam urusan pembelian barangan.

Program diakhiri dengan

penyampaian cendera kenangan kepada penceramah oleh Timbalan Pengetua Kolej Dr Puteri Hayati Megat Ahmad kepada Jahida dan Felo Penyelaras Kolej Kamsiah Budin kepada Kassim.



SEBAHAGIAN para pelajar sekolah menengah yang turut serta dalam program itu.



KAMSIAH menyampaikan cendera kenangan kepada Kassim.